

9. LIGA 1ª DIVISIÓN JÚNIOR FEMININA

9.1. EQUIPOS PARTICIPANTES

Participarán os seguintes 12 equipos:

- 8 equipos que conformaban a Liga FGB Júnior Feminina na tempada anterior e non descendieron.
- Os equipos ascendidos da 2ª División Júnior/Cadete Feminina da tempada anterior.
- Os equipos que obtiveran praza na Fase Clasificatoria da tempada 2022-23.

9.2. COMPETICIÓN JUNIOR

A competición dividirase nas seguintes fases: 1ª, 2ª fase e Fase de Ascenso.

9.3. DATA DE INSCRICIÓN DE EQUIPOS

28 de xullo ás 13.00 h.

Fase Clasificatoria: 1 de agosto ás 13.00 horas.

Todos os equipos que se participen nesta categoría, deberán ter inscrito ou vinculado un equipo Cadete Feminino

9.4. XOGADORAS

A data límite para dar de alta xogadoras nesta categoría será a do 28 de febreiro do 2023. Excepcionalmente, permitirase que como máximo tres xogadoras pertencentes a outro equipo do club e da mesma categoría poidan ser aliñadas tanto na liga como na copa.

Nesta categoría permitirase un máximo de 12 xogadoras e un mínimo de 8.

9.5. ARBITRAXES

As arbitaxes serán autonómicas.

9.6. LIGA PRIMEIRA DIVISIÓN JÚNIOR FEMININA

Os 12 equipos xogarán nun grupo único por sistema de liga a dobre volta todos contra todos (22 xornadas).

O equipo clasificado en primeiro posto da competición unha vez rematada a liga obterá unha praza para a Fase Final do Campionato de España da categoría e será o considerado o Campión Galego da categoría

FINAL A 4

Os equipos clasificados nos postos 2º ao 5º disputarán a "Final a 4".

FORMA DE XOGO

Os catro equipos clasificados xogarán en réxime de concentración de dous días, no formato seguinte:

1º día en horario de tarde:

2º posto - 5º posto (X)

3º posto - 4º posto (Y)

2º día:

Gañador X – Gañador Y (2º-3º posto)

Esta Fase dará acceso ás seguintes prazas que asigne a FEB á Federación Galega de Baloncesto para o Campionato de España da categoría. A clasificación do 4º posto en adiante farase segundo a clasificación de Liga Regular.

Para designar a sede desta Fase a 4, a FGB a través do seu Comité de Actividades emitirá unha circular para a organización da mesma.

9.7. ASCENSOS E DESCENSOS

Ascenderán a 1ª División Júnior Feminina os equipos reflectidos nas Normas de Competición da 2ª División Júnior e os que se obteñan a clasificación na Fase Clasificatoria na temporada 2021-22.

Os equipos clasificados nos postos 9º ao 12º, descenderán á Liga Júnior da 2ª División.

Participarán na Fase Final do Campionato de España os equipos que recolla a normativa establecida para esta competición pola Federación Española de Baloncesto.

DATAS DE SORTEO E XOGO

Datas de Sorteo:

Sorteo: 3 outubro ás 12:00 horas, na sede central da FGB.

Datas de xogo:

Datas de xogo:

Outubro: 9, 16, 23, 30

Novembro: 6, 13, 20, 27

Decembro: 4, 18

Xaneiro: 5, 22, 29

Febreiro: 5, 12, 19, 26

Marzo: 5, 12, 19, 26

Abril: 2,

Fase Final:

Abril: 16

9.8. HORARIO DE XOGO

Os encontros terán que disputarse nos seguintes horarios:

Sábados: 10.00, 12.00 16.00, 18.00 ou 20.00 horas e domingos: 10.00, 12.00, 17.00 e 19:00 h.

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB a conformidade do equipo contrario.

Sempre que o equipo local fixe como horario de xogo as 10.00 h, ou o domingo ás 19.00 horas, e o equipo visitante así o requira, terá que fixarse como horario de xogo ás 12.00 h ou as 16.00 h, 18.00 h ou 20.00 horas se é sábado e as 12.00 ou as 17.00 horas se o encontro se disputa en domingo, sempre que o equipo que se despraza o faga dende máis de 100 km de distancia, previa solicitude por escrito con, polo menos, 7 días de antelación.

Recomendación

Recoméndase aos clubs participantes que, no posible, designen como horario de xogo os domingos pola tarde, o que evitaría problemas arbitraris e moitas coincidencias cos equipos séniors e cadetes.

Modificacións de data, campo e horario:

Obxecto Modificación	Prazo Recepción	Conformidade	Cota
Data	Máis de 1 mes	Si	00,00
Campo	Máis de 1 mes	Non	00,00
Hora	Máis de 1 mes	Non	00,00
Data	Máis de 15 días	Si	00,00
Campo	Máis de 15 días	Non	00,00
Hora	Máis de 15 días	Si	00,00
Data	Máis de 9 días	Si	45,00
Campo	Máis de 9 días	Si	45,00
Hora	Máis de 9 días	Si	45,00

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB o día da petición, a cota de 75,00 euros e a conformidade do equipo contrario.

9.9. TERREO DE XOGO

Cada club participante deberá contar cun terreo de xogo oficial, cuberto e pechado, o cal non poderá variar en toda a temporada. Neste terreo de xogo disputaranse os seus encontros e deberá estar catalogado como NIVEL 1 dentro da Normativa de Terreos de Xogo. Non se admitirán en competicións aqueles equipos que na súa folla de inscrición non o fagan constar; ao cubrir a ficha autonómica do club deberán especificar as súas características técnicas.

Nos encontros que participen equipos que realicen desprazamentos e en caso de suspensión dese encontro por inclemencia atmosférica ou por calquera outra causa, este deberá realizarse, obrigatoriamente, dentro das dúas horas seguintes á marcada para o seu comezo.

Así mesmo, se un club ofrece como cancha reserva unha cuberta e pechada para casos de inclemencia atmosférica, deberá celebrarse o encontro dentro do prazo sinalado anteriormente e nunha pista cualificada co mesmo Nivel. Se finalmente e por falta de previsión do equipo local tivese que suspenderse definitivamente o encontro, o equipo local perderá o mesmo, sen descontarlle puntos na clasificación e sen que se considerase incomparecencia.

A FGB recomenda a todos os clubs que sexan propietarios de terreos de xogo cubertos e pechados que, dentro das súas posibilidades, empreguen nestes canastras de pé, así como que teñan reposto de taboleiros para o caso de rotura accidental.

Os clubs deberán cumprir as prescricións previstas pola lexislación vixente no referente á prevención da Violencia nos Espectáculos Deportivos e serán os responsables da seguridade de xogadoras e árbitros no que respecta ás instalacións deportivas, poñendo os medios necesarios para evitar accidentes extradeportivos no transcurso da actividade.

9.10. BALÓN OFICIAL DE XOGO

O balón oficial de xogo para esta categoría será de coiro da marca MOLTEN. Non empregar o balón oficial levará consigo a sanción prevista no regulamento disciplinario.

9.11. OBRIGAS ESPECÍFICAS

COMUNICACIÓN DE RESULTADOS E ACTA DO ENCONTRO

Utilizarase a “Acta Dixital”. Para isto os equipos deberán poñer a disposición do equipo arbitral unha TABLET (non un teléfono móbil, xa que, se non, haberá problemas de compatibilidade e visionado da pantalla que impedirán o correcto uso da APP), con sistema operativo Android e acceso a internet, para isto haberá que descargar da APP a acta dixital FGB dende a seguinte URL: <https://actadigital.fegaba.com/>

Se non é así considerarase que non teñen os elementos técnicos necesarios para a celebración do encontro.

De non poder utilizarse a acta dixital o árbitro principal está obrigado a introducir o resultado o mesmo día do encontro na oficina Web, así como copia do acta.

GRAVACIÓN DOS ENCONTROS

O Comité de Árbitros da FGB solicitará, cun mínimo de 10 días de antelación á celebración do encontro, a copia da gravación do partido que poderá ser entregado en formato dixital tipo We-transfer ou Dropbox, ata un máximo de **UNHA** gravación por temporada.

Esta filmación deberá incorporar integramente as imaxes e son do encontro, dende tres minutos antes do comezo do partido ata a retirada dos equipos e árbitros aos vestiarios, ao final do mesmo. Non obstante, é recomendable que a gravación se inicie coa chegada dos árbitros ao terreo de xogo (20 minutos antes do comezo do partido).

As imaxes e son deberán ter a calidade suficiente para que este poida ser visto de xeito correcto. En caso de non ser así, non será considerado como válido e requirirase ao club para unha nova gravación dun encontro diferente. Se esta anomalía se volve a repetir sería considerado como incumprimento das condicións indicadas neste artigo.

Será remitido ao CGAB por correo electrónico a arbitros@fegaba.com, ou ben a través das súas delegacións, no transcurso dos 8 días seguintes ao encontro.

Non enviar a gravación nas condicións indicadas neste artigo, suporá unha sanción por parte do Comité Disciplinario.

9.12. FASE ASCENSO

Participarán todos os equipos que se inscriban antes do 1 de agosto ás 13.00 horas. No caso de que houberse equipos con dereito a praza na 1ª división e non se inscribisen no prazo regulamentario estas prazas engadiranse ás primitivamente asignadas á Fase de Ascenso.

Excepcionalmente, os clubs que participen nesta fase poderán elaborar unha lista dun máximo de 15 xogador@s para disputar a mesma. Esta lista deberá remitirse polo menos 7 días de antelación ao comezo da competición a súa delegación. Tod@s @s compoñentes deste listado deberán estar dados de alta no seguro deportivo obrigatorio. Unha vez rematada esta fase as xogador@s poderán ser redistribuídos dentro do seu club en un ou varios equipos.

O Comité de Actividades, en base ás inscricións recibidas deseñará un sistema de competición no que se clasificarán dous equipos para disputar a Liga de 1ª División Júnior Feminina.

Neste sistema de competición estableceranse “cabezas de serie” estipulando a seguinte puntuación:

- 2 puntos os equipos que tiveran participado na 1ª división Cadete na temporada 20-21.
- 1 punto os equipos que tiveran participado na Fase de Ascenso Cadete na temporada 20-21.

Os equipos que obtiveran maior puntuación serán os cabezas de serie no sorteo.

DATAS DO SORTEO E XOGO

Data de sorteo: 24 de agosto ás 11.30 h nos locais da FGB en Santiago.

Datas de xogo:

Setembro: 4, 11, 18, 25